

ادبیات عمومی و خبری

هفته‌لق سیاسی، ادبی و علمی غزته‌در .

جلد : ۱

سنه : ۱ ۱۲ ربیع الاول ۱۳۳۵ جمعه ایرتسی ۲۴ کانون اول ۱۳۳۲ نومرو ۱۰

قادیلر مرز و حریت

« بجران اجتماعیمز » عنوانله جمماً کوچک، لکن احتوا ایتدیکی مواد نقطه نظرندن زیاده‌سیله مهم و مفید بر اثر انتشار ایتدی . بو رساله‌نک پیش نظر مناقشه‌یه قویدینی مسائلدن بر قاجی بوندن بر قاج گون اول [اقدام] ک باش مقاله‌لرنده تحلیل ایدلش ایدی . کتابچه‌نک اک دوشوندیریجی مباحثندن بری ده حریت نسویه‌یه تعلق ایدیور . بو فصل بر طاقم یکی - بلکه اکثریتک هنوز آکله‌یه‌میه‌جی - عمده‌لری محتویدر . مسئله زیاده‌سیله اهمیتلی و طوغریدن طوغری‌یه حیاته متعلق اولدینی ایچون شمذیلک آنی بالالترام مؤاخذه و تجمیل ایتیوب یالکز اجمال ایده‌جکیز .

مؤلف نجیب قادیلرک مدنی و اجتماعی روللرینی قید و تثبیت ایدیور : « هر شیئک بر عنصر متمدن اولقی خصلت و استعدادینی حائز بولمسنه نظراً ، قادیلرکده اهمیت فوق‌العاده‌ینی حائز بر عنصر متمدن اولدقلرینه هیچ بر صورتله اعتراض ایدیله‌مز . اوت ! قادین ، آله بر عنصر در . بونک مدنیتده بر موقع مخصوصی وارددر . بر قافله دیورکه قادین وظیفه تمدینه‌سنی ایفا ایده‌بیلیمک ایچون خریته محتاجدر . بو حریتی ویرلم ، اوده دینی ایفا ایتسون . محرر حکیم بو فکری بکنمیور . حتی قادیلر طرفندن وقوعبولان تسأل حریتی انحطاط اجتماعیمزک اک مهلاک تجلیاتندن بری عدایدیوره اولو تستردن قورتولاق ؛ ثانیاً احراز سرآزادکی ایله غرب قادیلرکی یاشامق ؛ ثالثاً صورت متادیه‌ده آرکک ایله مناسباتده بولونمق جمله‌لریله قابل خلاصه اولان مطالبدن ، مؤلف حضرتلرینک قیدنجه شو نتیجه‌لر چیقمشدر : ۱ -) زوجنه‌نک ، زوجک صفت آمریتنی ؛ ۲ -) غیر متأهالرکده ابونک صفت وصایتلرینی طائیملری . بوافکاره ، بر طاقم رجالکده طرفدار اولدقلرینی مصنف قید ایدیور و دیورکه : « بویله بر ذهنیته فریفته اولان آرککار ، غایه بحیله اتخاذ ایتدکلری غرب مدنیتک ، هیئت اجتماعیه غربیه‌ده قادیلرک حائز اولدقلری فائیت موقعیه ایله حریت مطلقه‌دن متولد اولدیغنه قانع بولونیورلر . » بو قناعت رساله‌ده قطعیتله رد ایدیلیور : « اکر - پیوریلیور -

بولان بر طاقم حریت پرورانه ایله - طن ایدرز - برآز اکلنیور . اثرده ، صوڪ سنه لرده ،
 حوائج و وظائف اجتماعیه نك تحولی نتیجه سی اوله رق قادیلر هنك وادی حریتده ایلیله کاری
 اشارت ارلوندقدن صکره بونك ماهیتی وضع ایدیلن دساتیر آنفه ایله تقویم ایدلمکده در «
 حریت مذکورده مدعیات نسوانیه مزه عطف ایدیله من . چونکه اولجه بوکی مدعیاتك
 هیچ بری موجود دکلدی . « شو سوزلر زیاده سیله مهمدر : « شمیدیکی حریتك محصلی
 اولان تکامل اجتماعیمز جریان طبیعیتی تعقیباً نسوانیتده دهاواسع برحریتی البته تأمین ایده جکدر . «
 اوحالده الجاآت زمانه به تقدم ایدلمه سی ، کفی بر صورتده نسوانیت غریبه یه مثل ایدلمك ایستاده میسی
 توصیه اولونیور . مؤلف پك حقلی اوله رق دیورکه : « اك مهم مسائلك سیله دائماً عقللره صیغماز
 بر خفته حل و تطبیقی کیفیتك استقبال ملیمزی پك زیاده اشکال ایتمش بولونمسی ، موجب انتباهیمز
 اولمیدر . « ایسته « بحران اجتماعیمز » ك مصنف کزیده رقی بو افکاری ایلری یه سورویور .
 شبهه سزدرکه بوفکرلر برخیلی ذواتك قناعتنه مخالفدر . بناء علیه آنلر اوزرنده بر آز دوشونمك ،
 جوچه مداوله آرا ایتك اقتضا ایدر . چونکه قادیلر مسئله سی اوله مهم و خطرنا کدزکه آنك فنا
 بر صورت حلیه یه اقتران ایتسی بنیان اجتماعیمزی و بناء علیه دولتمزی رخنه دار ایده بیلیر .

ل . ی .

سفارتنامه آمدی غالب افندی

اولطرفده پساپورط طلب اولندی . او حوالیده نمچه ایلیچینك خانی ورودینه دک بنه
 او حوالیده مرسوم مهریله اداره امور ایدن نمچه ترجمانی والنیور طرفندن ترانسالوانیا
 ایالتی جنرالی اولوب سبین اسمیله منسی و مذکور ره هر مشتاد دیمکله مشهور قصبه ده مقیم
 متروفا که نام جنراله بری بکرشدن کوندرلک و دیگر ده سبینه ویرلش اولان انکی قطعه مکتوب
 و معیتمزده اولانلرک مقداری بیانیله بر قطعه پساپورته ویرلش و خسته اولوب اولدینی و توقیف
 اولنماز خصوصلری مکتوبلرنده درج قلنمش اولدیغندن بشقه بکرشده مقیم نمچه اجنته سی طرفندن
 دخی جنرال مرسومه مکتوب ارسال قلنمش اولغله طونه یی قبل المروور عربله رتیه سیچون شلیخودن
 افلاق و یواده سنه ارسال اولنان تحریراتله وسونه والقبورغك بکرشدن جنرال مسفوره کوندریله چك
 سالفالد کر مکتوبی اجنته مرسوم معرفتیله کوندرلک اوزره اسبال قلنمش اولقدن ناشی ذکر
 اولنان قرانتینه ده تأخیرده ابرار صحبت اولیوب فقط حین مرور مزده محل مرقومك قوماندانی
 بر اوطه سی تعبیر اولنور بنای تحتانی اولان خانه سی پنجره سندن رونما اوله رق قاعده لرخی اجرا ایچون
 بر مقدار خانه مزبورده توقیفی رجا واکا بناء خانه مزبوره دخول اولندقدن قوماندان قائماً استقبال
 و دوستانه معامله ایله اوطه سنه ایصال و دولت علیه نك نه کونه مأموری اولدیغیزی و بزم معیتمزده
 اولانلرک سنلر منی و اتباع و متعلقانمك مقدارخی واستفساری معتاد مزدر غیرتیله اشیا هنك اموال تجاریه اولوب
 اولدیغنی برر برر سؤال برله طرفزدن دخی اقتضا ایدن اجوبه سی و اشیا ی تجاریه اولدیغنی بیان
 اوله رق مضبوطه سنه تحریر و املا و پساپورطه یی رؤیتله کرک مسفور و کرک عسکر قوچانی پساپورط
 کتغینه وضع امضا و شکرلی قهوه و شکرله ایله اکرام رسمی دخی ایفا و کیدر ایکن یدلرنده کمال
 احترام اولان رسم تعلیم عسکر اجرا اولنه جغنی بعدالانها خانه مزبورده چقاقدن ذکر اولنان
 عسکر قوماندانك میچی النده و سکن اوزن نفر سله تلریده حاضر حربی تفنکاری یدلرنده اوله رق

خانه مزبور پیشگاهنده صف بسته قیلم اولوب یا نلرندن مرور مزده تفنکری جمله سی دفعه اشاعی ایندیروب یوقاری قالدیرمق و قوماندانلریده اسب زن اولمق مثالو رسمی ادا ایتلریله کرك خانه مزبورده اولان خدمه یه و کرك مارالیان سلتاتلره مجار آتونندن بخشش اعطاسیله افلاقدن اشترا واستصحاب اولمش اولان هنطولزمزه سوار اولوب بریچق ساعت مقداری ینه براسلوب سابق اولت صوبی کنار یله مجرای نهر منه کوردن بلند و عرضی پک تئک اولیان وسوی نهرده کنار طریقک اکثر محلله سراپا اشجار دیزلمش و بعضاً هنوز نهاردن غرس اولمش اولان راهیه لکندن نهر مرقوم قربنده کائن طور روزی نام یرده بر عدد قله وار و دیواری موجود ایسه ده کمرکچی خانه سنده برکیجه بیتوت اولمغین ذکر اولنان اولت صوبی کناری طریق خطرنا کندن له الحمد والمه بر ضرر اولیه رق سلامتله گذارمخ انجق عون و عنایت حضرت خدای غفار اولدینی بدیهی و نمایاندر حدودی کچمش اولجه ورودمزی اخبار و آنچه اراضی سنده اتباع واحمال عربهلری تبدیل ایچون مقتضی اولان مقداری آنچه ضابطنه اشعار ایتک اوزره سالف التذکار تئشن قریه سندن برنفر لسان اشنا ایله قونا قیمر ایلرو تسیار اولمش اولمق حنبیله ذکر اولنان طور روزی یه وصول مزده اول محاک عسکر قوماندانی مخصوص کلوب ملاقات و ازوم اولان عربهلر علی الصباح سینه و اوچ نفر قطانه اوکزه دوشوب سینه کوتورمک اوزره متروفسکی جنرال مخصوص کوندرمش ایدوکنی بعدالانبا بر آزدخی صحبت ایله عرض مودت ایتدیکندن بشقه خانه مزبور اطراف لیلاً بکلمک ایچون اوچ نفر سلتات تعیین ایتمش اولمقله فردا سی شهر مذکورک یکر می بشنجی کونی سیندن محل مرقومه کلش اولان عربهلر غایت صغیر و اشیا یی غیر متحمل اولدیغندن اتباع واحمال نه افلاق عربهلریله سینه نقل و ایصال قلمغین فقط هنطولره پوسه یعنی منزل بارکیلری آلنوب قاعده لری اوزره بهر درت بارکیره برر مجار التونی اجر تلری و کمرکچی رسومی لازم کلن استا و زو خدمه سنک و کرك کیجه بکلیان سلتاتلرک بخششی و یریلوب حرکت شتابان و طور روزیدن جیقلا قدده نهر مذکور ترک ایله عازم صحرا و بیابان اولدیغمزه بناء مارالذکر قطانه لر هنطولمزک اوکنده روان اوله رق الی ساعت مساحه سی اولان سالف الیان سبین شهرینه وصول ایله عربهلرک تبدیلی ایچون ضروری ایکی کون اقامته مس حاجت عیان اولدی .

[دوام ایده جک]

تاریخ سیاسیده

ملیت مسئله سی

.....

۱۸۷۰ دن بری ، نوروچله بالقاندن بشقه هر یرده ملیت جریانی انقطاعه اوغرا دی ؛ آرتق دولترلرله ملتلك خریطه لری ده ، شکل اداره لری کی ، ثابت قالدی ؛ بو سکون ایسه بر اثر تصادف دکلدی : چونکه حکومتلر ، اسلحه نك تکاملی ، وسائط مخبره نك ترقیسی و انضباط امورینك تکاملی سایه سنده هر درلو اختلالی اطفا ایده بیله جک بر درجه قوت احراز ایتملر دی ؛ سیاسی ده اولسه ، ملی ده اولسه ، هر حالده هر حرکت بو قانونه تابع دی . بوندن دولایی متمدن یرلرده بوکون آرتق ۱۸۴۸ اختلالنه بکزر بر قیام اولاماز ؛ بوکونکی اختلالجیلر قیلیجدن زیاده قلم قوللانق مجبوریتنده درلر ، چونکه یکانه واسطه موفقیتلری ، تشبثات قانونیه در . اختلالجیلر